

白
華
前
稿

白華前稿卷第一

南漚

摺後跋

平定金川賀摺

欽惟我

皇上當陽貫極函夏承流拓闢河萬里而遙算參亥步
讐憚國三江以外環拱辰居越促浸遘拉之曾在滴
博蓬婆之境領天朝之符號險著丟烏廟土舍之班
聯妖憑札達昔蹈防風之律終邀覆露之慈方期鳥雀
銜恩豈謂駟蚤倚勢吠紛蜀犬罔知雪日之輝貪逞巴

蛇屢觸風霆之怒法文昌而

命將遂合兩甄開武

庫以詰戎還資四姓雲梯遠突那容捨到維橋冰柱全
摧焉用叱回黎阪戮專車而骨朽細辨郛瞞拘反梏之
首囚同降側貳經樓累轉劫紅燄以成灰款表連番給
白旗而授籍於是右肱左啓竝效攻心後勁前茅長驅
刮耳八門簇陣占虎氣之高騰一鼓升陴笑狐羣之悉
掩當日銅頭鐵額妄爲踞井之蛙此時袒肉牽羊盡作
投羅之鳥快罪人之生得藁街待正王章緬吉語之遄
飛

柏寢敬逢春薦普天告凱豈徒寶布蒙休大
地臚歡矧在軒輶奉職臣濫膺視學親睹銷兵思藻含

芬淑問考獻因之典采藻協序還歸卜獲醜之期祇附
軍郵肅陳賀悃

賜御製全韻詩御製擬白居易新樂府謝摺

伏惟我

皇上精一執中懋昭

聖治德新業富振古未有誠

以敬

天法

祖勤民之隱存之則爲性道發之則爲文章心聖人之
心言聖人之言昭耀

天文舉如日月伏誦右二種

御製全韻詩擬新樂府理大物博涵蘊今古抉淵閎之

經旨寓褒鉞之史評爲萬世子孫臣庶訓行率俾推本
天命陳闡

祖德視雅頌所述后稷公劉太王王季文王武王之業
實遠邁之以臣愚下而 天有至教腕鈔口沫早油
然肅然生孝敬之心茲者備員學政獲瞻 賞本寸

私頂戴謹擬繕摹校刻俾所屬士子舉得朝夕諷誦以
端心術以溯 道源以探億萬世久安長治之本

除侍講學士謝摺

臣江左寒門雲間下士

選直隸垣

會墨榜之旋登籍通芸館三廳彙試姓名幸冠鼇坡五

品超遷請誦親依 鳳寧大比掄才之會六與司衡諸
曹課績之期兩膺考最洎西川之奉使教士多疎帶東
院以量移掌坊遞轉優游館局別分排纂之司敬厯階
銜竝少文章之報茲復仰蒙 寵命游陟華資憶昨
校藝 瓊墀文卷復標第一際此宣名鈴署史材素乏
兼三寶夢寐所靡寧荷 生成而逾分臣惟有勉循
學問毋貽落殖之羞祇奉編摩倍矢涓埃之効
賜御製古稀說墨刻謝摺

欽惟我

皇上量函位育登皞皞而皆春詣協生安勉孜孜於惟

日徵博厚高明而悠久欲至萬年用剛健中正而粹精
心從七十古來稀此偶賡杜甫之詩斯際盛焉遍采華
封之祝賴一人之胥慶天下大同等百世而莫違
生民未有顧乃聖懷邃若天語炳如以從臣
之陳義未高而君子之作所無逸雖掄揚忠孝竝希燕
譽爲光迺啓沃神明有取鶴鳴納誨摠文載道蘊敬
天法

祖之源因頒求規示致治保邦之要蓋聰明睿知繼之
聖無思而無不通斯祿位名壽申自天有德則有是福
臣夙依講幄難名淵岳之崇深近奉使輶濫被禁廷之

錫賚願書萬本揭日強莊敬之模載肆九如際天保升
恒之會

賜御製知過論墨刻謝摺

欽惟我

皇上智蘊珠輝粹凝璧體埽三代而還之秕政早詣精
純紹百世以上之薪傳詎留悔吝乃以不勞不費子來
順天地之情因之曰止曰時工作揆風雷之義縱效同
補助恒仰食於公旬而貫取因仍實爲庥於侯度前此
勸墮磬鼓信非無事而爲今茲 訓若盤盂喜若有

人以告證淵源於泗水學易彌勤仰臺囿於岐山歌詩

偕樂臣自

天被寵就日抒誠覺過儉而過恭恭能

壽世欲知

德而知政政在養民

恭進乾隆三十五年 起居注摺

伏以撰合清寧化成悠久奉三播治瑤階陳六泰之符
撫五凝視珠斗運四和之柄敘維疇之福紀襲慶維重
肄鎬頌之豐年告綏有萬_臣等忝司記注祇效編摩令
著庚先順 龍飛之歲序統占寅肇炳 虹渚之星輝
幸塵侍從之班竊珥鋪揚之筆伏見我

皇上懋修躋敬盛理敷文興仁屆必世之餘筭宣暖律
治慶自初正之始砌被祥霽

蒼殿祈年練上辛而秉鬯

紺壇藉畝涓吉亥以推犁契

穹昊之精禋致

方丕之特贊六宗薦幣秩隆歲舉之文

九廟司彝禮備月遊之恪房序圖球之供大訓丕承

橋陵冠劍之藏前光敬展加以歡心久合

愛景方升調玉饌於蓬廚映綵衣於萸砌獻三千齡之

珍果

黼黻同春篆十六字之鴻章

璆函啓旦銀華吐火清娛環長樂之宮錦纜拖烟順豫

掖

大安之馭粵自津連析木積水涵精壤錯長

蘆曝鹽因利鱗塋下上勤禹力以疏河鯉淀西東報神
床而恤廟俶奉香之令典旂滿靈風殷緝

嘏之

明心閣融慧日籌添勃海銀宮金闕之山臺近熙春紅
杏綠蒲之節旣羹魚而飯稻猶納賈而陳詩衍讌開筵
廣常員於博士長流貫獄羸稍食於丞徒但經 駐輦
之鄉減田租而差粟帛幸與迎 鑾之隊增牢廩而厠
簪裾夏諺施仁介五百里曰甸周官藏富制三十年則
通溯惟二紀以前三征槩免凡在九州之內六府孔修
遂乃簫奏昇平絃鳴解阜念延洪保大

帝心之孚佑無私彼多寡盈虛物力之平施有數溥堯
封而賜復寧差沃澤焦原按舜牧而論蠲那問寫鄉遠
佃十八省司藩之會輪酌更番百萬家詔版之迎繩思
前武至若隔年集雁尚厪周咨在渚流鴻時縈清問
放京寮之廩米竝進先期發內府之贏金毋滋短耗夷
疆束草量供剗秣之需運船栖糧俾免腐紅之患設爲
糜之廠民不飢寒通汛糴之船人皆率育逮宿占龍角
而禱致嗟吁迺令下雞竿而芒消貫索蝗飛在隴嚴秉
畀於宰官蛾化斯倉穀司存於版吏瑤閭迭蕩其切覲
光榮榜聯翩特宏錫類龍鍾握管才恐盡乎江花鵲起

揚鞭 恩許攀夫郅桂卽多士德心之廣寵被天施知
作人壽考之徵欣承國慶三元啓運編六甲以重週五
日迎端遲三庚而一閏值綵囊之貯露萬國攸同當金
鏡之成書四方咸賀而乃以恭益壽敬申讓
善之誠維孝可光祇待迓

釐之祝東岱是注生之職庸獻歲而奉

金輿南陔有稱老之嫌勿呼嵩而徠玟陞長諧鷗伴息
九老於巖阿各靖鷁行鎮百城於州境靜花宮之梵唄
佛解臚驩卻菊部之笙簧民歌偕樂斯時也緩稱觥之
義秋可八千紵表貉之程月逾三五攻車甫草幾逢鄴

善來庭校獵長楊詎獨伊尼食野訥皮冠之畢肖晨哨
呦呦覺犄角之無煩林牽麇麇作先一鼓麾并鉞以高
舉用合三驅颺參旗而迴指況復疆嚴闡海素習樓船
地迴滇池曾移帆布十年教訓休慙蒼兕之名萬里過
行俾効赤螭之覲若策勲計等國飲至而懸牌苟致命
招殤亦卹孤而著籍望埃則聿新亭郭戊巳連屯給糧
則悉較緡錢癸庚罷諾覈戎車之濫應乘準三人戒郵
政之紛稽程兼甘舍蓋治臻富庶預防武備之恬熙而
績亮平章務飭官常之廉法或嚴疆寄重難覓隸吏之
誅或莅部交深必杜黨朋之漸督校官之考課製錦維

艱慎權使之乘除宣綸俞密未秩或關請簡毋確指以
瀆朝綱清班亦可量移勿沿習而拘選格閱羣工之鐫
級酌擬輸財甄出宰之望郎用均使器詞曹幾輩同膠
昔幹之弓舉主連行各展予懷之軸效糾繩於薦服藝
事程能肅拜蹈於龍墀台階優禮試問漕臣降秩豈關
米暈秋潮卽看閑老歸田且待船乘春水若乃主恩臣
報寵建專祠父食子先儀隆特附明良協贊一德之
無多友愛潛孚冀大年之與共手足股肱之誼驚凋謝
於崇朝襚衾奠醑之頒備哀榮於異數此則親賢展分
存歿均 恩內以勸爲善之宗封而下以厲奉公之臣

節者也至迺郊原相地界判紅椿林苑興繇戶同白版
苟禁常扞網而鈴束何存縱籍隸歸旗而戍流罔貸愆
謬一成之牘鄰讞須眞紛綸兩造之辭廷評自確罪先
出桺按遼水之逋囚典尚平衡飭闕城之戲殺鳴鴉探
穀大母自絕於孫惡木連苞諸孥必鋤其類東粵渺逋
誅之擘齒刃膺鋒南黔無逆命之苗焚巢鳩窟或聞聲
援難切同患於旁觀或息影瞻氛安子居於下里推道
齊之至意莫贊高深徵 仁壽之同風庶躋淳古又況
溫恭表德行廬非再構之區冲儉爲懷 御幄有重紉
之跡眷名藩之耄老朝端爲給黃袍軫賢裔之驅馳謁

次勿隨彩仗禁廷保直欣龍祿之同頒恩榜聯標荷微
名之特奏史乘失誣之語訂誤三韓經筵挾奧之篇揚
華六籍文懸北斗摘毫自 幾暇之辰頌上南山介景
際中天之會蓋得位得祿得名得壽

天其申命用庥而斯立斯行斯來斯和

帝唯從欲以治猶且以福集鳴謙之義見吉徵保泰之
心勤問旦於銅螭屏書無逸懋調時於玉燭琯叶昭華
萬年卜

天祐之隆四表紀民雍之烈

臣等職居信史寵近

恩暉體備中和皇時春而帝時夏世爲法則左記動而

右記言按掌故以奏聞俟 命下而交貯

恭進乾隆四十二年 起居注後跋

欽惟我

皇上仁孝誠敬邁古詰后錫類錫極宏亮基業八埏九
垓以內靡弗奎踴翔泳顯燦景命而

聖懷惇密行健不息是用至德要道通神明光四海與
日月麗升恒天地配燾載焉臣祇直彤扉仰鏡

謨訓珥筆登記忝有恒職茲者恭纂乾隆四十二年
起居注冊成凡二十四卷尊藏金鑰爲奕禩型竊聞天
心至仁仁之效曰壽仁之本曰孝

皇上懋膺

統緒昭事翼翼初辛祈穀吉亥雩雨揚柴

元穹薦琮

黃壇祫飮備乎

清廟謁拜展乎

山陵享

帝享

親對越在上以篤寵靈以固萬世延洪之祚若夫祇奉
慈寧以天下尊養貺

壽祺者八十六載介蕃釐

者四十二年五世一堂中外禔福用合萬懽敢言一懼

月正二十有三日

慈馭上賓

至尊摧搶慘怛必誠必信朝步於養心殿無逸齋設苦
卽次王大臣籲懇再四始還宮苑猶復曲體

慈仁普汎嘉澤免天下租稅二千八百餘萬俾陬澨羣
生永申哀慕 升祔既洽推恩布詔自上下神示
暨含生負性之屬岿然霑被文孫承祀往者封之舊寮
戴星來者資之鄉毗鬚髮扞重禁者貫之凡文武臺吏
毋以彌文弁謁稍懈陳力越

聖母奉安泰東陵

上躬酌禮經先詣

泰陵祇告咸秩無文恩明誼美宗藩卿尹之鳩工百職
庶司之扈道下及戒塗甲士予敘賚有差載準儀章凡
郊壇諸大祀撤法駕御禮輿懸雅樂而以盛服將事竝
詔代祀

雩壇之宗臣等先期舉雍於盡倫盡制之中致如質如
臨之意是故敬

天法

祖盛德也愼終追遠本行也敦和逮福至仁也數典備
物大烈也茂矣燬矣蔑以加矣然且敘官方勅國憲光

典籍慎選舉廣施舍督撫有董察屬員之職兩司道府
中有材堪擢用而未列剡章者飭之精已銷亡而姑爲
徇隱者詰之侵帑藏而不行按劾罰必加筦冊筭而謂
拙催科授必左考績屆年開臣邀從優之敘陳情援例
旗員酌內用之條曰課官常故權宜遣委之習必覈也
曰勦官廉故腴削典貸之罪必懲也審語首以釐仕籍
速覲對以卹運員開幕僚課成之階杜部臣沽名之漸
提臣器小者易之鎮臣俸深者甄之逃兵失察則量加
錄用而文武不致偏畸窮徼久羈則曲賜矜全而存沒
均沾恩賚八旗有守制回京者許歲終引覲一命有擒

三
一
一
奸戢暴者許按級論功皆

皇上所以敘官方也庇屬吏而至罔上行私則自干重
僇而同科者以次而差編字義而觸 聖名

廟諱則立正常刑而故縱者宜彰厥譴戕父體而蔑天
倫詎容縱罪尋父衅而骫國法豈果復讎宗室擾莊屯
者謫之兇械拒徒手者辟之罰讞案之稽時重官刑之
減等其斫樹開路而未害地脈者復援古義爲斷焉皆
皇上所以勅國法也 幾餘典學日有緝熙著作之廬
封呈乙覽多派總裁以資集事量分議處以勵校書然
猶厯勘課之疎也命 諸皇子內廷諸臣輩之簽之記

之抽閱以核之近嫌不必避諱古帝不得稱名嚴書侵
書寇之例於小朝徵記事記言之實於勝國惟 國家
發祥受命流長源遠白山黑水登著曩牒於以正三韓
雞林之義稽珠中肅慎之交旁蒐博引曠若擊蒙得
旨勒成一書以示統系以昭信實皆

皇上所以光典籍也大比屆期命程文所用虛字酌用
官限罷五經分閱之例以絕弊萌執事者減迴避之條
失第者選鈔謄之雋觀光乘傳邊州之上計不難韻語
失調遠省之停科暫緩至簡任各省學臣訓誨周詳厲
以公慎皆

皇上所以慎選舉也孟春始和免甘省貸租八十餘萬
去年江蘇安東等七州縣安徽泗亳等七州縣適遇偏
災加賑一月他若湖北江陵監利之垸田偶澇陝西咸
寧等二十九廳州縣之雨澤稍愆或緩徵丁銀或借給
糧種臺灣僻在島溼而官莊和息仰荷酌減漕船遭風
漂沒者凡支貸修造銀款暨應償米石席竹均展以葺
年三年之限湛恩汪濊有隱必周皆

皇上所以廣施舍也懋哉懋哉貫道源宣誼譽幹洪運
召元符百工之績允釐庶徵之休畢備往者緬首不諱
上千 天討比以恩幸敝關顧守臣通市貢

上命重臣馳視機宜達誠效悃無有後艱郭羅克土司
以罪戾淹斃內地卽令其子襲封朝鮮有逆黨潛逃
諭太吏時加察訪而於粵東勒詐夷商之冗民嚴予譴
戍斯柔遠之政宣焉 皇四子喪儀用親王故事而親
臣世臣歷著勞勩者咸賻卹褒贈有加禮斯逮終之典
茂焉關市徵稅通三載爲鉤稽贏縮相權侵耗胥絕惠
商民也清口之外別治陶莊引河千里一息安瀾永慶
淮浦無倒灌之虞慎河防也金川索烏甲索勒烏圍山
川神之助順者秩祀酬之西嶽華山祠金帛葺之迓神
休也時乃宣降德音以來秋東詣陪京展謁

三陵仰締造之艱辛攬山河之險要淵源霜露之思遠
子孫臣庶之澤流而凡獮狩享宴慶節受賀諸儀概卻
弗御信乎我

皇上錫類不匱之心爲高朗昭融介景受釐之本經緯
萬端蟠際上下臣等班依豹尾獲遂瞻就謹紀一歲中
詔諭政令典章法度繫日臚舉庶天下萬世知

聖天子本明察之道心致協雍之治理相與颺頌鼓舞
測高深於萬一云爾

白華前稿卷第二

南漚 吳省欽 冲之

賦一

皇太后八旬萬壽賦

臣惟告功容德曰頌正樂曰雅其體皆可賦故班固以賦者古詩之流亦雅頌之亞也歲重光豈關律中黃鍾之月恭遇

聖母崇慶慈宣康惠敦和裕壽純禧恭懿安祺

皇太后八十萬壽福應最著鱗萃徠賀

皇上觀元堂放靈臺繹昊緯提貞釐含飴宣詔轉轉旼

畋與斯世躋壽宇凡言語侍從之臣抒悃述豫舉有所
作以泝邇善氣以臣顓固倖得奏賦通籍又御試賦
系第高等竊徵之景命所祖稽之方冊所紀循蜚以還
歷茲曠睹深想歛河昧源沿侈掌故又固言作賦之旨
通風諭盡忠孝雍容掄揚炳同三代謹以賦敷陳其事
極禔福之畢轅而衷諸

順德之感召拜手稽首獻焉其辭曰

康衢古民索帶披裘游嬉茹真趨香山碩耆之廬而請
曰蒙聞羔兒之晉嘏也禮嚮執於姬陶矣

皇時六旬慈而弗居曰我

慈豫質埃實儲隆十定位卦八受圖因而重之
懿慶演疇盍數典而誦厥初乎蒙且鑒古今之上儀錫
家國之永類貺我以泰符躋我以壽世陰陽絪縕歲幹
歲支上申三元候以軒倫之十二節蠶以容成之十九
章五緯汁次啓悲天人子半在月籥告悉新逮祚三
紀川增日輝邕邕熙熙用綏我

壽康其制龕得而述焉若迺析津宅曜夾城拱衛隆宗
以西嚮離樹闕金支煜燐以猊蹲華桐歲蕤以鳳集步
櫛冠綴璫璧納月中則贅衣灑庭祇奉

頤攝外則卽將護闡時竚朝對於是西華豁欲九市

闐些千軌省摩牟首比闔而射威麗譙枕郭而瞰波釐
牟苗梭柳裡泄芽貨隱旗亭環映四阿必以柏塗陪以
香林震旦具啓玉毫在龕應真八百有園布金妙鬘吉
祥見其相圓梵懽喜流其音人天帝釋海會繹繹曾壇
伉如彫綵續飾上覆寶而山移下量勺而波積鶴鵠川
鵝鵲藻達植木英米春而榮果珍方冬而熟狀瑋於嵇
編名牒於吳錄於是廣場觀文竿矗抗綵旂胸春日突
鋒扛鼎尋樞九劍之屬程戲趨還以背距爲鉞鏃龍吹
鼙儼洪厓女娥之仙揚袿襪灑以韻磬爲歌絃爭遠遏
雲鉦鼓震山宵炬星迦浮爛世烟載霞載陰漫衍儵焉

丙御不得轡俞騎不得前於是都人效驩寮尹展來秋
秋將將馳傳萬里大祿岑陬大使鹿使望若延驚踊若
躍蚤鸞應節珊珊搖韻鏘豸獵乎莽良之垌羆獵乎詠
蕩之閭其揮汗也則雪候雨霏其嘽祝也則晴日霽轟
他他焉欬欬焉鼇抃而羔跪者相與占織女之明婺宿
之光迓

鴻禧茲未央也於是靈史涓吉節踰履長斯夔斯愉啓
鑾上京肝七校班六蚪鳴翠葭控華輶蒼威翕習而執
馭黃神撫護而結旂以弭

暢春場鼉騰嘖象愛日之升以瞰也以掖

金根安輿翔軒協厚地之安以敦也於三十里莘莘烝
烝卬禮合讚有聞無聲翼輦涂施幔城轉儀駕端

慈寧蓋新之又鼎新之昭融微顯案綺甲而駢翠錄者
難具錄已於是敞雲廷拓海屋仙壺永

香展肅彬文質之軌益仁壽之域精瑩瑩脂

寶

冊琰治其文則精一合數其鐫則茗華告期躬拜

稽首授几襲綈紉體仁之掌故邁奉嘗之所司然此語
夫尊而未極夫養之至也厥有千佛之經百福之屏寫
官眉金御翰鏤青恒河所披闡河所升珠彩斂月

秦屬越繒孰與海客獻而報章鍼神徠而繡文勺藥百
和堯廚扇薰良醞六清帝臺送醺羌物備而儀及舉數
紀而名命古所云孝治天下合萬國之歡心以事親者
惟我

大聖人已宣至和者縣毛虞伯堂序舍干鍼肄文舞靡
帔旄植翮羽

上釐譔籥章維時其雅奏之樂且有儀也親率麟
趾麟定山龍卷然斑衣颺舉然後侍玉膳於

壽安戢瑤樞於純嘏於此之時嘉氣汜濩福徵縣懸揭
南斗爲上尊齊西池爲重酎醑

五世之百祿邁九如之

萬壽昂精降河穀老杖朝鮐背兒齒式燕以敖相與賀
吾遭曰盛哉乎斯世媼如不足多而簡嫫不足褒也然
且弛逋賦起廢僚級羣升榜士曹禮嶽瀆墜陵廟萌戒
道圯泊橋通工惠農民物川饒擊壤擊壤中謠初謠學
者博執考信有若斯之天地昭神明通敵景爍并延洪
以篤祐我

聖母以垂曜我

聖清者歟言未旣碩者灑然振器

噴然槩於中曰有是哉君子所稱文繁情靡然知其一
不知其二也夫鼙鼓不聞震霆之音爲其瑣於聰也蚊

睫不見泰邱之密爲其障於盲也買珠者持櫝叩槃者
遺燭謂直不知量也抑子宜投功於三古絜德於六籍
則億萬萬

壽可知矣昔者乾綱坤維厚載光化母天下儀長信長
樂大母奉之然而乘彤車矣不聞慶都履綏錫元圭矣
不聞脩己翼祖非德齊而福未齊書缺有間焉抑顯靈
厚有待於方來而元會運世之祿爲我貽也明統中葉
我朝龍興頌長發之奏雅下武之賡是以晉
神媛之朱果知玉筐之所以宜男馴

文后之彩翬知翟衣之所以兆禎代遞演於金策史交

誦於丹陵。况復筦百年之禮樂。架六宮之政教。俾必世之上仁。格自天之要道。運疇開而弗先。光疇遠而弗耀。蓋佑啓於椒塗。璽澤之間。而赫濯於檢玉。鑽金之告者。如此其劭也。宜如此其疇也。且夫萌庶之子。一再命之。臣奉不必鼎茵。遶不必初孫。年不必大卮。猶且啜粟而懽。含飴而睠。數齒而听彼。蓋有漿灋之齋栗。與瑀佩之睦嫺。榮見於受旌。樂生於爲善。如今之百齡。舉案五代。合爨者可睹焉。矧鍾粹毓源。若我

聖母之引大祺。飫洪願者矣。是故鐘在宮而聲聞。璞抱質而潤流。予第知瑤琨璇圖。

黼闥載娛而不知化理之基於關雎子第知玉葉金枝
蘭殿載嬰而不知惠問之蔽於螽斯子第知服貢物貢
紫闥頓供而不知繭館桑田之態乎祈誦子第知遊河
遊嶽

黃馭驂服而不知陳詩納賈之恁乎諏度至如伽葉彌
羅真如貝多祇爲民而請籲而徒福田利益之云何哉
且夫天之所助者順也人之所助者信也嗟元部之凋
劫隸羅叉之羈管嚮効睪而典屬茲敞塞而行觀質孫
答忽賁其衣頭鷲詐馬渥其宴斯時也宗乘之廟成歸
誠之碑建源

七旬之儼階格花門之務面閱十稔之侑觴徠泰濛之
迪賓惟

聖母厚載无疆惟

聖人勅幾貴斷禁申煩牧不克襄而宮中堯舜偕與峻
也且子亦聞夫天帝之孫乎封嬪七二有亭有云有神
所家絳衣玉真東以汪生木道用神山以主壽貞象顯
仁敬體安恣升香告虔有取爾已且夫厚坤取義爲母
爲地萬物致養德乃天配能養萬物養亦非至弗祿爾
常載援神契

聖天子讓善則偉稱老則避猶此志焉吾子遐不陳旣

醉之景介推箕範之福備迺心參體忭聽聽焉以是相
喁哈也。咫聞聖言大德受命履今歲昔考靈介慶然且
闡偕樂之旨釋不置之令執鼎鼐之習葆盅泊之性藏
珠抵璧觀道泰上鼎然風草翕然心鏡抑工商之衰業
劭耕紉之盛務吏斲彫而抱慤士黜華而惇素二氣化
其伏僞萬物登其時序美矣茂矣孝用就矣假若吾子
所祝陞豐鎬之上期庫河雒之中候是將植建木蒔華
平擾騶牙招歸昌玉雞俾其吐綬鉤鈴俾其耀明畧德
教而啓符瑞非聖人之緝敬也迪

懿訓而思齊媚斯天道之福謙也某雖耄齡嘗學於舊

史氏飽仁勸德又詔工肖吾形焉奧引典義竊思所以祛蠹蔽而奏六經也古民於時靡徙敞罔憬若矇發良久乃稱曰鄙人禱昧吾乃今知

天子之孝與

母后之德所以宏也載忻載晬重爲系曰

皇理孝兮噉瑞圖融愛日兮光三朝
慈繄陞兮尊酌衢
壽無量兮高厚俱坤含章兮享貞元
晞
鴻號兮

離曜懸範演福兮

皇德宣奉

母后今年萬千

聖駕巡幸天津賦

臣聞古天子歲見畿內吏民又修隄防達溝瀆與夫布德行惠諸大政紀載春令厥施至隆炳耀無極我

皇上勲恁民族在邊猶邇惟天津近處左輔自南四巡川郵弗逮比歲以來釐舉水政迺涓丁亥二月吉展鑾郊宮履視淀河堤牐咸有培浚旣清旣平十賚繹如返自林苑臣伏頌周之頌巡狩者有時邁詩體皆主賦左思謂升高能賦者頌其所見是賦與頌其實不異用是窮竭蕞陋敷陳原委以紀上儀以對敷

皇帝之德於萬一其辭曰

上御宇之三十二載自圻卜征于瀛于津二旬禮成權

惟六府惟穀爲本九疇惟水爲初坊庸順乎大蜡銍耜賦乎密都大抵西北之利視東南上腴循郊之典首河嶽而道周於爍

聖清表儀宅方朔易平在扶風馮翊左右割宰厥厖止畿厥僚服粲林林芸芸尾十斗七爲析木津充冀俛負霄漢仰貫改社國之三衛俾列郡乎大蕃苞絡濱隸咽隘河間都鄙衍斥東奄滄壖轉輸之迅遠達陪京偵邏之廣外列少城帶三岔之膠濶抗四闔之崕管交遊壻羅肆棼遷商居賈行葩華駢田服有連甯之絰饌有出網之魚鱣釜海之奇弗盆弗牢習坎次五溟漲遞澆水親土而滲漉雪受曝而結糾坵租

場租禹筴致饒漕渠旣程關梁旣扞鐵鹿碾過膏豨關
輻蒙士返淳古黎獻沐休息捫染化源首善孔炙翹斯
跂斯莊誦

祖德臚作游乎堯巡徠乘戴乎禹績且旋鯢之淤澱孰
與駕鼇之高堰諸河之灌川孰與中壘之安澗朝發夕
至孰與蒙微牟首頓宿昭遯京身畿臂孰與江介湫湄
揚粵牽綴迺

聖人幸南土而茲未及者非懷遠而泄邇也毋亦川陸
異郵抑定河海之已效貴咨采焉昔者文命截河鬲津
最南徒駭最北逆上隅海夾右碣石季宣以謂被漸王

橫以謂橫溢然而渤海書乎河渠章武志乎溝洫島倭
讐其阻萊轆轤其職泥濶稽天依約點墨瞻乎無極若
迺晉望惡池出於泰戲經行唐林洎越濊只故道濫僭
竄爲鱣濤醮爲鰲涔何下游之三舍襲灌壇而迄今有
岡有臺有祠櫛櫛東西之邨牛鳴角犄新河舊河相背
兩已羌雙滙而中窅遽一折而反沈迅若馬駛健若龍
鬣歸槽丁沽若涂守軌旋以言淺派尾溶潏環納清河
七十有二掘鯉堙矣侈太冲之詞賦焉塘灤遂矣緬承
矩之施設焉魚鳧族滋蒲茨種穢白洋迤東名弗殫記
柴禾下委茅灣巾褐旣歷苑口滌池澶漫蒼耳連華四

及闢于他如牛臺百龍大蘭小蘭介長隄之表與二淀
邈其不關夫隄非一端也鼓車記堊七同有餘宛虹修
蛇蜿蜒衙衙首高陽入任邱逕青苑鄴室家昔在宋遼
鑿陂畫區懷敏所增治唐介所修除閼世數嬗培庳或
渝事在因而等勦效已捷而不紆長隄旣窮格隄斯殫
淀澱河渾勢迭衰晦驚沙反而輒沈短埂闕而泰猛湮
漑則相戕壅閉則不競扞表護裏漏卮得當二竇是劖
直沽是嚮溜以逆河潮以奔淙枝流涓如斗門翕張櫛
比得五纒連疊雙以濟汲綆以衛土萌故曰功不什不
變器利不佰不易制人見爲擇芟積竹之費而弗知蟻

衣鼃鼃之疾也人見爲卽橋蹈揭之悴而弗知樹渠封
溝之計也人見爲道謀築舍之議而弗知非常之原之
俟 大智也鞠人謀人 許謀載教地官任地脩工
伐鑿惟蠲淵螻濩中穆乎其釐成殷乎其紹休爰迺震
潛鼃建招搖案華覆弭文珮波委蠲動鄰鄰儼儼以承
宣遊時以法導未底津城也馳道弦直一塵乍清淅雨
曉潤順時就新雜英附條庶草動萌粦粦如撥穀變
聲誼以占習祥政以洽觀咻發上蘭憩中甸廬者溝紫
者泉際趙北郎權船颺含漪漸凌堅汎夾河僚揚芥水
絳千唱海民合讚亭驛延鷺臨迎莘莘就日雲麗海光

人天遵崇臺而元覽遂升紫而 蹕旋斯時蠢躍蛾伏
扶杖相告入者意以

上度功澹菑疊疊祇迪義聲被陬蔭順氣浹 輦轂惟
是移泰行以校壽剡勃泮以應福政觀美而不費歲圻
幸而不瀆若稽古方岳肆覲同律度量衡其他無稱越
在姬制入壇有慶弗逮兆姓我

皇上展秩嵩岱 四駕南中延洪汪濊雨施雲行酌
醲化爲大酺佈溫言爲四帡粵以承

安輿而推湛恩也至如三輔之圖不間於

寢門浹辰之期不異於晨昏常常純純明明皎皎功已

轉於距畝典匪覲於省春然而

皇澤无量先後錫

設爵計級敘寮府餉計月犒埃伍值計日碩舟旅引高
年粟絲褚燕所司觴豆俎廣下庠三四五第簿管長流
始緩榷榷仲冬止見糧減三宿逋全罷經塗供張加賚
無已民物阜已名實揆已然猶掣綱頓紕曰 睿運

算鬯溢漳之末流交瀛郭之山岸彌格隄與長隄規兌
缺而巽斷勘故籍而弗遺剏窮櫛而詎緩賀成厦於鷺
雉兆奕代而休宴二倉所類通路復踰簇筐港以結邨
隄塌淀而立壩緣舊工使迤屬稠怒濤使平瀉所以鞏
始基禦漲夏或倚青龍之灣或錯青滄之界雖方舟有

未循而漕川舉以直隸若萬乘所偶臨而鳳河亦以引
藉是故任靡仔其弗勝響靡叩其弗磨總六符敘三靈
涌丹醴瀆告榮挺華露之發莖

上惟是基命夙夜師儉葆眞罷春洊之合闕禁夜船之
簇燈繪沙壤之吉貝整天田之冕紘九圻萬非汙邪三
登言眷淀元若河海效命答稠貺於片響新雕案而漆
楹此

聖天子爲天牧人光四海而通神明者也且夫效鈴引
紵以埏河泊此

聖祖所以勅方畧也結旌導旅以縈海斐此

憲皇所以紀豐碑也降原觀泉此幽都之所以徹田省
周發倉此春令之所以理陽河漢星雲此于邁之所以
作人震疊明昭此肆夏之所以序候

皇上襲令軌劬

洪業六鐘左右備奏出入上課

賜雨下度原隰中問疾苦民用時協觀風展義羣遊泰
和賡藻幾暇摛文揆華釐括地之謬悠析育物之茂嘉
舉上拚乎初慮之奏而又何有於橫汾之歌懿夫後仁
者天時布宜者地利先勞者君道化神者民志言就理
焉必世三十年而較紆清趣言課功焉旬服五百里
而有藉明試由是歲見吏民巡覽原野自上下下春原

秋補先五載而班輯首六服而除灑肆允猶之嘉頌煥
來游之羣雅款款喁喁謳者籲者

皇領朕請徐之來茲自山川鬼神上下草木鳥獸罔不
受釐馭雲罕返霓旆道南苑蒐及期簡軍實釐羽鉞
旋京師面

紫闥端枋魁運八維於萬斯

聖駕載幸天津恭賦

臣聞大德受福天人贊孚思和求中是茂殊祉洪惟我
皇上丕御大寶清寧炳符今三十有五年伏遇
萬壽浹甲明年伏遇

皇太后八十萬壽天申保佑邈古無二

崇慶誕

洽載紆民依赦天下田賦二千八百萬有奇舉春秋闢
試士昨扇慕三輔侯望近光越丁亥迄今二浞軌順
神廟工藏方春令和涓迺

慈豫庶幾遄我敝請惟

上眷義歸善上

陵致告禮成雍容轉運祇整法從飛黃首塗柔颺送艇
升香澤元醴萃昭晰俾海隅蒼生大慰瞻就津門旋駕
川波不揚書所稱一人有慶兆民賴之也臣濫玷翰林
以文章爲職志茲際設巡行慶景燦無旣竊志揜陋誤

賦一篇拜手稽首獻焉。賦曰：古七十二氏之彌文八維
過已奉符欽紫，維不懈於詔巡。五百里旬服，藉服校黜。
故歲見弗憚，勤止然而風。不必大淳慶，不必具轅典。不
必備循，邁邦之期。不歌文母翼祺，省耕之謠。不陳訃后，
迓釐有如。拓閭澤，裒闕貺。有孚至誠，元氣沆飴。案泰行
爲福基，酌勃解爲壽量。罔吏率寮案，穀老迪丁壯。繁黿
斯抃，繁鶴斯望。喁喁焉相與，僂而稱曰：淀流既平，津流
旣清。旣洽神惠，習祥則行。距強圉大淵獻序，齋載更帝
者有原有補，詎斯今而失徵。厥徵維何？中春日佳，卉木
萌動，福承。

帝車羽騎息塵，遙聞歡咏。上以覽

安輦下以觀宿畚潛以格靈祇明以成民和狹嬌圖之
幸洛軼珪玉之游河

皇上薨薨焉佗佗焉眷延洪之協景述章顯之

丕緒紹祭畢於姬模拊月游於漢故仰

景陵兮遵言野廬汎埽夫東路泊乎還駢田盤而佩乎
若有餘慕自東自西晨展玉衣複疇列羨九松作圉祠
官誕舉初禮愍焉再告 孝禱來冬玉衡紀暢八

千歲百之一東朝播徽茲秋中月貞後起元萬之一皇
時繹思飛甘吮膏於爍斯劭燕天之昌章亮

姒教視旬年而免正供必世而給轉漕損上益下宏效

也爲章作人熾號也光神睦民要道也度方順時正告也秩

觀將宣揚而達耀蒼威謫其佞涂前大安而祇

導禮言蔽而義昭時百源之宅隲於廊哉淀之瀦以淖也派尾積輸易涑漑沾芥坳蹄涔茲焉泥濘天渭控清夾鏡瀏如瓜皮鴨頭渾黃絕殊或就淺以及蹠有葉舟之撈淤冬竭則冰坼川陸夏濫則水立溟墟汨急滄溟波響隱合晴烟混空莊舍出沒洲魚將子而影翻渚鳥招羣而語答菱蒲荻蔣萌抽葉獵訕者資生羸者用給以灌溝遂而稻稔潤澍以達邑井而篙槳利涉他壤怪

之物宜多無與於民質左家研都之賦酈生清河之注
賡遊宴於蓼花森塘灤之洄互九十有九歧其稱七十
有二淆其數莽分併於長蘆卽楓柳而沿誤蓋水以不
流曰奴如淵曰淀書灑洵之同文曰窪泊其奚辨其格
隄之鞏堅斛土千錢雉影言言其長隄之纏聯屬工三
灘虹文延延

皇上度廣惠之梁移安福之軀紅帽緩引亭亭相鳥經
藥王之叢祠稽蘇簿之邑居水木明瑟宛焉江湖彼四
瀆之告翕殷剏珥之肆予敬共明神茲無闕如所以容
重臣度陸地兩戒攬五材凡結瑤構珠圖畫雲氣遙而

睇之若海蜃青紅以迥市迫而從之若闔仙金銀以飾
宮懸左舫與右幣耽龍居之正中前則碑螭屈蟠積健
據雄孰與夫錦襄隄頌練塘炤畫不足以知震鱗詞流
不足以按奎章時

上入祠奉香旣勅旣匡將容與於漢津也春木欣欣春
禽關關春漸溶溶西沽碧灣象丁則料地理躍丑則景
天文碣石所夾箕尾所分厥有豫嵩代臺南迄揚越之
衆涉江踰淮思娛吉暉炫翠軒之側俛喧跋河之轟厖
亭不見桂牆不露材十里五里霽顏一開

上方養情田擴性圃敦斲雕諾封奏渠地渠天審義巡

狩睹郊圻之申畫可以槃三輔之左右焉卜勃碣之都
會可以跡九河之新舊其牖則羸縮節宣紛接河堧
其臺則祥氛升望巍聳海徧橫沙限內外控弁韓千里
濟糴往還發邁罷習流之禁旅信地險之固然惟陸海
之殷阜湧海光於人天鬻盆於郊荷鉏於野熙熙春人
以方以社萬權備臚裒對天下緬通路之漚漚送鵝鳳
而心寫竭土功之未父儀

祖德之克勤玃六龍以六幸建海斐之貞珉啓鑾鏘之
蒞止且言邁而夕轅猶必考之以風雅臨之以王制閱
三載而一巡際天庥之游被上

陵以啓祥行郊以展誼耕市不止輿徒不勦其報禩也
非八神所得而隸其緝嘏也非三呼所得而議方將授
榮河之版朝若水之庭禩應哉魯川至益增山川鬼神
天地時罔不寧又奚有於胎萌喙趾之句氓者哉乃系
頌曰攸攸泰朝秩百祿兮於

皇緝熙曼壽祝兮

天母應符闡以璿兮大德所得悉在天兮遂遵畿南洞
無厓兮新廟是作靈遲遲兮五行先水庶徵壽兮鳥策
篆素蘊難究兮自今伊始緣大萬兮我

皇受之百王冠兮

文廟工成

聖駕親詣釋奠賦

臣惟古先聖先師之祀代不相襲其釋奠禮亦綱而弗隆自奉孔子祀學而先師之典始懋我

皇上心源揆合曆祚以來旣以五詣文廟禋肇上儀越三十有四年春大成殿重修工歲

御製碑記勒石

又頒置周範彝器凡十司存粲如仲月上丁展駕親詣將事羹牆炳著日輝日新非彌文者所容儼已臣忝與觀禮念靈臺泮宮二詩本爲建學而作肄列雅頌而其義皆主賦故不揆蕞陋拜手稽首爲賦以奏焉其詞

日邊矣哉宗儒之闡釋也邁秋節今習舞蔚兮霞蒸藹
兮風煦僛僛祁祁倅游胥鼓營囁廟今新之又新之

皇曰朕時庸獻竿景燦之化轅精一之軌樹歲屠維赤
奮若日在奎婁釋奠由是舉焉夫釋奠制綦古矣尸象
罷迎於義示略是同菜祭設薦饌酌趨告幣之秋將屏
司兵之歛燿奉一獻以退儋孰瞽宗而祖樂師佐聖食
遞隨降升四時徧舉尚春吉下春以宅中和丁以汁文
明月中日上丕顯昧爽此姒代章其用萬而姬家光乎
舍萌也粵我宣尼昊緯佑師奕奕貌廟平鄉風泊迨初
唐而改命緣國學而闢基有閭有櫺欂羅戟支厥後祧

旦素臣作配豈惟過魯而太牢用祠哉凡以炫籥翟奭
鼎彝宗廟之美禮家所議庠且監焉弗覓也闇且蝕焉
弗整也匹明堂之少陽洞豁闢乎其大居正也國家
騰精震維雷動響應咀修道之菁華敷右文之杓枋倡
首善於密都印懿型於

列聖旣戢干戈而上廟以肄四姓旣澤詩書而舊林以
莅
萬乘百八十載於茲

祖烈尚矣

宗功競矣巍封晉五鴻名諱一聽奠初亞旨酒嘉粟上
梁二東雲瑞見商爰止屠乎揆辰是演仁術

皇御寓之三禩儀展寅述蒼然澹然睠縹瓦之麗廟堂
孰與元吉在黃也翼而覆之若采鳥銜曜以軒鵲巢而
比之若金波瀉地以沕茫故其迢嶢博敞之圖窟窿環
譎之模二軌竝入三塗肆恢崇教之坊徑時成賢之街
逖紆市樓翦夢庀其上材碑第蔚鎮其隅惴惴焉浩浩
焉柔萬邦而翕若綿千齡而歸如古之陬剗飭材以因
善剏柏梁火而建章起崇華廢而九龍抗直以虺竄颺
飛礫積棘梗數靡虧而弗成運靡衰而弗駐物靡替而
弗興制靡陋而弗廣弗敝何造弗毀何新增歟踵華
詔言公旬日十有七萬又五萬緡奉神啓遷迺有魯斯

王爾之傳。受立邪。睨面陽。負陰平。準通。植周。迴繚。垣砥。如甬。如就。塏。去磴。高者。曾阿。衡布。九筵。何秧。振勢。拱以。枝梧。兮。宛交。綺與。纏連。也。抑構。櫨。欒。栒。以傑。儼兮。儼。葦。鳥與。比鱗。也。闢綺。疏而。白間。錯落。兮。卜端。乾倪。坤之。利。嚮。南也。夾丹。廡而。頽壤。欹。施兮。恍。琁。川碧。樹之。宇。列。眞。也。珠。龕。瓊。璫。栗。主。位。中。厥。十。四。族。賢。詰。類。從。上。植。禁。匾。蔚。藍。青。紅。冠。以。奕。赫。之。

御璽週以螭蛸之迴龍楹榜

睿製一西一東凡廟

門之涉嫌與闕有間者罔不夷考政典糾纏佞諛鼎所
云墓置守衛堂會百官未由比隆也已將勒銘者曳萬

牛遴琇英鬬角圭穹覆亭厥司夔夔戒沐含意欲請

上蚤覃思究精曰吁咈哉道德爲虛位仁義爲定名朕
無得而稱焉彼嵩岱不以槩媼靈川瀆不以槩渤溟挖
宸藻四百有八十言炳懸日星庸親詣乎落成則

有野廬埽涂掌舍設極青旗綏綏倉龍孔阜啓軫東華
北雍轉係令龜不塵踰趨載道廩乎浚菰濯乎濯濩蓋
帝車未浮平坦墀而海樓之席候止輦而祇步鐔鐘宣
閭衆奏帙翻立千戚授六變叶成六清敬侑厥有露文
山交蒼姬所鑄皆窠橢圓侈弁異受羌璘瑞而緞駿或
駢坐而縹繡捫怯留爪呵若滴乳校鄉之陋闕里者數

迺倍之器惟舊焉。盼諸祕府。寘諸禮園。曩以充玩儲。茲以備貳筵。自堂歷階。羣濯告具。凡我執事。觀禮罔後。先是誼聲誕馳。朝野慕思。執膳所興。若仍若來。上公爰率。案察暨四氏子。姓質明陪祀。

皇帝舍幣佈燎。穆乎禋寅。直見聞而灼知。是以宥密緝熙。而昭文昭度之故。抑已微已。記曰。禮時爲大。宜次之。稱又次之。有殷瞽宗。周曰辟廱。斯響斯飲。實惟射宮。表渠裏渠。湯流環淙。辨其定位。則郊西國南之易方。考其立義。則積壘明和之聚訟。會言臣言。沼璧者申。命禮官考藝。折衷維所以與民更始。易知簡從。油然而然。宙

合偃風人徵大昕之鼓家伐於論之鐘本端故不循其
末道合故不慮其分也且釋奠之故通六而立學訖醜
特居二焉蓬婆息旆葱山拓地繩

武朔漢森羅斗字貞師吉於嘉絲洽良成於邇畿觀者
固心知其義矣至如立學伊始釁器用幣所司攝行天
子徐至聖豈必未有運豈必必世然猶踐登歌之序揚
皮弁之華胥襲胄饌蒸薰泰和其治訓無以加焉矧

聖者先後節符而恡於宮牆丕煥時釐懿典之巍峩者
哉惇道享德云何不欽厥明勇緒講筵傳心臣獲觀禮
推抒頌音頌曰思樂辟廱惟

帝澤宮光所崇兮東家衍裔流禔玉筐牖生民兮道傳
著統我

皇述孔誕天寵兮歲已加丑作新貫舊邁芹茹兮以視
林廟車服儼眇他有耀兮舍奠

帝臨邁古曠兮德與參兮

白華前稿卷第三

南涯

文序

後序

以上經
進作

恭慶

皇上六旬萬壽文

謹序

臣海瀝顙昧涵泳

聖涯尋摘章句歲丁丑

皇上再巡南甸

臣奏賦通籍癸未成進士選庶常丙戌

散館授職編修戊子夏

御試翰詹諸臣擢臣第一

臘侍讀典黔陽秋試末學膚受濫襲寵榮揆諸文章報

國之義衷甚慙如

天祐璿祚綿擴壽寓越歲辛卯十一月

皇太后袞晉八旬今年庚寅八月恭遇

皇上六十聖節篤慶延洪景燦彌劬斂福敷錫普天揚
麻闢門酌典特敕恩滂沂自壬申庚辰迄茲而三

臣復仰承

寵命擢桂林之枝備榛樾焉

天長

屆慶候際扁闕稽拜祝

釐遙邇獸儼時也玉衡指酉日躔於角臣謹案爾雅壽

星角亢也郭璞注數起角亢列宿之長故曰壽星春秋

運斗樞曰壽星一曰南極老人晉天文志曰老人一星

在弧南常以秋分之夕見於下見則治平主壽昌臣惟

日爲君象以八月會壽星之次而壽星之見適符其時爲

皇帝億萬萬壽協應蒼絳斯有慶已臣又案歲在庚曰上章許慎謂義氣上升萬物畢生在寅曰攝提格高誘謂萬物承陽而起司馬遷律書謂庚爲陰更萬物謂寅爲物始生蟬然班固志謂斂更於庚引達於寅說各不同而主陰陽汁餘氣序通正一也是以萬物得由其道則詩由庚而建人統者必倣寅今幹枝交會適洽周甲聖辰訢豎作成週環至萬億億年宜建顯號坐明堂受圖籍納職貢哀對六幕榮鏡尊親奚俟它日然而

天子坱安安之德履巍巍之功讓善

璇宮謙尊

逾光陶虞子姬以來夔乎末由聞焉臣伏見漢司馬相如班固唐柳宗元之流剗華揆藻各著符命頗効忠孝顧其事夸而非實辭麗而近諛其主弗克承難傳難於後誠未足仿

上儀之萬一臣忝侍從遭際

郅隆宜有徵述不揆樛昧任質譎文一篇略毋溢熒謹拜手稽首以獻曰

鳥奕哉真符之闡繹也古天靈鏗岳愷胡洮之世迭辟繼道樹元陳樞以立易威寧品其形棣通其氣迺挺桐

萬彙光際無臬，是以旋復之提，龍興鸞集，建太始之元。
鈞環轂轉，君有五期，爲世億齡，蒼牙黃軒，瞠乎後已。何
論姚姒，或者稱五帝任仁義，三王任知勇，濬喆之誕，必
合靈契，故里社鳴，聖人出，黃河激，聖人生，玉斗金匱，儲
算賜齡，若壽區若水，成紀念山，樞紐薦符，翼房顯曜，尚
已。至夫玉英紫氣，七鳳五麟，神光異香之貺，菖花芝葉
之夷，亦往往稱引符瑞，洎金鏡綬帶，戚里進饋，結絲露
囊，士庶贈遺，醇酎宴樂，張慶令節，暇嘉祚於元命，延洪
庥於昌期，斯推輪乎。 聖清之莫馨業也。乾苞
鍾叡，坤紐闢禔，神動天隨，用騰華乎震維，叶千年而啟

運馭三統而居尊

列祖

列宗重光累洽錫羨顯統蘿圖席亨三靈泰焉繼序維
皇體真得極暉昌

五朝神運四奧印暢乎背陽

報德常羊號通之維俛燭乎空桐丹穴太平大蒙之紀
丙明炳而辰振美斯

龍飛所由建元也主鬯顯若

郊壇必親繩鏐鏤琥肆秩無文縮酌侑醑升歆

九廟以致福受釐而天下咸欽

皇帝之誠介祉

珽闡驪臚萬國環火絢采昌歆

調饌脩序冲景波縈巖館服定省清溫之行

頤性時泰

徽施璆檢以莫不增而天下咸景

皇帝之孝農祥分廬卽康功田功四輔雖登庸調時饋
田賦膾積蠲普六寓至再而三猶恐泄邇而遠忘也蜚
麟蜚鹿占天目告習祥樂載時邁河宗執璧骨母頤軌
牡棹午貫康度地飭升敷教之臺風人雨人溥將十賚
灝灝平寫仰閭谷罔弗荷龍銜之照而天下咸戴

皇帝之仁經緯陰陽鉤撻河雒融運

睿藻章緯天

漢壁府熒華奎躋富製迺釐定載籍治埴百代甄鑑謨
典以圖禮器采鐘臨江琢琯和闐考律中聲元音允備
而天下皆述

皇帝之文參旗遠揚義征不譴蹴邛籠摧滴博躡天山
弇濛汜盪雷翥以爲池平阿耨以爲田渥水徠駒玉河
輦琛蟬封紆綬翎侯拜牙迎噉貫隴易於策藁筆而馴
羈鬲畱屯則壤鑄泉通賄計越經躔殆數萬里而遠而
天下咸震

皇帝之武數者得一足以統和天人聲溢宇宙招致貞
符而

皇帝綜之猶且績無逸訪未央殿最定銖鎰刑賞辨毫
髮日慎一日匹諸重曜屢照而彌輝二儀久運而益泰
傳曰王者必世興仁丹書曰恭則壽然則宵雅之肆天

保召虎之祝萬年允宜 今日本金雞酉仲鰲蟠旦中旬
有三日南極朗於弧南占曰壽昌係誕

聖之辰撓甲至是周焉先是諸王公卿岳牧庶尹僉爾
而進曰

皇上欽若乾序煦燾景屬久道化成茲者璇璣肇紀貞
復起元萬寶穰穰烝黎訢訢羣臣願以次獻兕觥攄曝
忱檀林菊部咀饌熙景增綿洪算羣臣幸甚

上曰於嘑哉朕夙夜祇祇愉愉懌懌承

皇太后歡以天下尊養三十五年矣克迓

鴻貺

歲重光單闕天地見於復

慈寧綏介八袞朕將率中外王公佾藩寮案舞綵晉觴
祇上 徽牒與天下普仁壽而緝純嘏毋以朕生

辰勤歌頌弛職業於是 賜酺元正百工聯席玉霽

綴華陽旭冠珥瑤甕在祀嘉樂具縣

聖母之惠示焉賦免九仞俊登兩科 鳳紀增錫齡

之帙句圖空貫索之次

聖母之澤播焉導掖 安輿展謁 神闕九

十九澣東西最宏肇秩殷禮載猷

慈航循廣瀛迤延於左輔堯陽蔽餘

聖母之禱凝焉至若闕耆胖樂淵傳曼齡蓊士大耋喁

喁觀光旌閭增秩而歌鹿鳴者左右史簪管弗勝錄焉
夫妙合貞元景運也

慈暉雍豫神契也諸福璣

貫保佑

命申殊祥也恒言不稱歸美

思

齊懿德也昔華胥之啓春皇安登之昌炎精符寶之誕
帝軒星娥之毓小昊慶都兆三河之觀握登衍重華之
祐修已感珠薏而文命探苞簡狄得瑤筐而武湯協祉
禰祥履武徽音京室是皆仁施垂裕宣光毓聖而彭鏗
斟雉止進祁嶂鱗魚錫晏弗述文母意錫類不匱雖上
聖猶有缺與彼蕤莆生廚跣蹄遊極三足鵠樹焯炫丹
騰以儼

福紀常物稽之故云云亭亭侈陳封緘鄣

禾里忝卮言詭譎固

聖世所撝屏乃宣尼言仁者

樂山而壽巖巖魯詹錄注長生玉策金函探迎

鴻禧又烏可已哉

聖日方中

愛景昭融資元自東壽於岱宗

恭慶

皇上七旬萬壽文

原紀一首謹序

臣謹按五絲曰緝四緝曰紀自紀積算浩無既極其在
泰古攝提合洛諸紀紀二十七萬六千年子孳紀天丑
紐紀地寅演紀人一星紀十二年洛疇敬陳以歲月日
星辰歷數爲五紀史臣統言動而記之亦謂之紀紀之

體繫日繫月繫年日引日增日多而日長遠今
皇帝御紀之四十五載致釐翼祺延洪發衍軼曩紀倍
萬每上章壯月際

聖旬壽史牒大書茲又加子舉朝爵土案邈至萬邦黎
獻革心面內植髮頤鼻之長黃衣冠之師告瑞應曰子
者陽德所起萬物渾敦渾敦渾頓渾渾淪淪昆侖也庚之言
剛也物至秋堅剛又年齒曰庚申命令曰庚

天申命我

皇上大年年之旬必以庚今紀

壽旬七若方剛然

若赫會在子則混元始資於易卦爲復復之先自十一

月溯五月凡七閱月陽道純健故其復不計月而計日
茲歲紀如是

聖壽七旬猶七日之復如是是運世之本與天道之動
以順行敦復反復確然示人指眇已古人臣受恩於君
無可報稱類以壽考抒祝如天子萬年天子萬壽顧不
詳上壽之禮與其日漢之上壽在元日李唐後始慶生
日朝野協洽聖節載煒

皇上頤葆冲邃弗受方冀然雍容揄揚下竭忠孝上美
功德斯義甚大若周書以殷中宗高宗享國之久歸之
畏天命用法度勞稼穡小大無怨誠究極之論也孔子

言知仁樂壽正義以成功得志少思寡欲明之此物此志也然於

聖紀條茂之由猶未當百分十也封禪典引貞符之文雖稱於後侈而廣之百有一當哉臣珥筆稍聞循唐韓愈五原之目譔原紀一篇而汁諸音原者察也推其本也故臚舉福應而以道德之旨爲之旣其詞曰

耆有優游泰平杖鄉國之年厥躬康彊逢吉嗣昆話親戚召比鄰撰履從後祝餉導前光爛屏障填膺佩銀甚者騰臚官授弓璜司存給扶入朝耀首組綸蘭橈桂栢仰縣奎文煜煜焉轉轉焉僉心稽目數以謂飲鄉之碩

賓結會之老人備洽慶辰亡乎禮者之禮也矧

聖人踐九五之位躋五九之紀屆 七旬之筭送萬

方之喜參臈義陽合量乾始盡與敞密都居總章班文
閭稱兕觥升臺萊之歌無期無疆語曰岱華不齊質於
埴培渤澥不同度於漂漚壽爲福首載錫在疇生民芸
芸端倪未祛九頭九龍年億萬餘然甚遼昧若金天之
遶虹渚平陽之麗斗樞若序書之斷唐虞 國家肇基
大東敦龐淳固仙果爲之孕涵靈鵠爲之遶護流融聳
結稟粹太素故不數千之衆不淹刻而殲明四路也爾
夏告宅至和晏溫

皇祖恩娶武者之弗肆於勤嶺越出韓河沂伊遜五舍
十舍接哨木蘭周法
御帳就撫百蓀綱茶配餅
筓布束端牟呼蕭鳴之牲院谷柔毛腫背之畜填山名
雖寓於避暑
謀實切以貽安灑壑松其憂若日

三朝者

聖孫講德祕館游藝期門於燦哉

諭教至早神

器甚重不難悚震動

皇旬歲之始而磐石措區寓屏蠶牖系統三十六景之
表所由茗茗薜薜紀

祖恩卜堂棟也故曰位惟大寶壽必大德數以十成日

以七復還邇外內仰

皇上六旬聖節至今若乾象運旋而盤度建極若離象
貞道而光景曜昔滴博蓬婆狼子在山異蛇雀之知報
效蛩駘之比妖然而丟烏不足固札達不足患薤芟種
類申儆衆頑視拔達伯克之傳檄一擒一斃而大軍愷
還向校七略勘繕四部經史子集定方置庫錄一字而
受裁歸三閣其分布討淵源於津逮衆太文之神助然
且體創而全韻聯製鉅而四集弄視繕修繕頒史廿
經六文醇文穎圖志綱目映奎壁之霄躔仍好學以爲
福淮海維揚域辨江浙鹽官有塘湖吐土藺莖者 咨

覽乎龕赭之壘培壘乎薪石之塼徐方南北清口西東
陶莊醜渠待昭衆韓圖曲直之黏黃循庫高之

標紅及春決沛淫淫溶溶視五壩之水誌挑酒之木龍
一補斯偏一賴斯永又加以豫壤之再平淮壩之五幸
且夫正供四方成賦三等寅歲 賜蠲後庚先丙自一
再而至三俾限年爲分省觀編審之不議行思戶口之
不議增艱難天造赫我

前寧周宗祭畢漢葉上陵不數不疏而 三駕興不顯
不承而百辟刑觀

祖制之典有必赦思孝禋之類有必錫崇實去華繫道

升降通歸蒙士衆流挽淦類者片靡者鼓解者省會者
部萃萃踰踰河漢截襴觀恩勝之及今而五知壽
考之作人而普禮時爲大次宜次稱冠服攸昭寬衷不
競圖器物而司存解國語而訛訂亦給消除羣共陰祿
罪雖滅於漏師誅或延乎刑劓殷鑒匪遠陳泰阿戒倒
握觀訓討之胥本鐵牌知習尚之當守

臥碑加以璧琮升崇輦步酌宜惟脊勞而後篤恭以
循上儀也穰金饑木汎舟出穀惟振貧而後保息以留
上熟也頒圭券鐵鬯予昭雪大報功而亦以睦親對
謨烈也效節勝朝直示勸褒亟憫忠而亦以定義準名

教也封章驛路肝膽批諾論事同而因材實各大小
法廉讞疑趑趄決幾獨而采聽克兼聰明睿知足以臨
位祿名壽必以得取取純純祇翼翼假而穆居清靜
誕引符命視勤思爲屑瑣目英斷爲急細旃廣廈狃
其安嘉露甘泉隕其盛人天放梵涌其壇魚龍曼衍擁
其鏡錦錯城而霓懸燈列市而珠映南任北休之夷尋
極角觝之倡咸曉獻鏡寮琛繫囊沐日浴月百寶耀藏
案南山使掩豆釀東海使置酎美矣茂矣古之隆昌聞
稱壽矣曩土扈之徠王悉蒙古子燾覆會

聖節之週甲遘靡遠而弗究繇繇黃教曩宗受治比於

祆正泰濛極西維

先聖發祥其一攸闕觀耿焉維

後聖介景其一奉表延頸焉
謁偏袒糗青稜涉戈壁揚
法螺候吏接待名王問訊
嚩嚩戢戢蕃長時觀羔跪肅
承寵頭競進受摩頂之片詞
等錫馬與襲袞自遠自近
羌蠃轉於塞垣旋磨集乎
行苑孔子曰民可使由之
不可使知之

聖人柔遠夷者爲奉天無私
非爲其頤介釐也敕佛號
者爲因勢利導非爲其神設
教也彼演揲轉經之宗旨
孰與無逸書屏之符揆波旬
剎那之避退孰與元貞展

運之際會辦香織罽之納貢孰與夏連商瑚澤手彝重
搖箴卷角之操音孰與鈔鐘特磬順耳雅愜而顧優而
柔之烈而噢之誠揚

聖祖收喀爾喀之烈以爲烈納達賴來歸之心以爲心
也感神至誠天道益謙興慶興聖掌故詎堪於斯之時
下噉噉而迪慶

上冲泊而引恬澹乎黠浮淵乎保泰屏芹曝之獻施雨
露之沛級百僚禰祖逮秩百神岳瀆對肆薄嘗富大資
師儒厲工商惠贊幽明福中外渠七十而自從椿八千
而莫大人見者憂勤惕厲之可紉而不見 恭壽之銘

丹書人見者淵虛冲漠之已甚而不見 靜壽之訓魯
論爰乃弧南蘊精爲章

帝庭蕭斯湛湛多稼告成白鹿擾閑鸞聲鶴聲五老一
詞九老千祉海湧會於華嚴山達呼於嵩野惟民樂之
大同

皇風以純嘏曰德動天曰天眷德 德斯安而若勉

天常健而不怠巍巍堯則舜曰協華我

皇德媿斂福用加曰萬有千歲正位凝命享祚長世曰
博厚高明悠久也

戊子貴州鄉試錄序

乾隆三十三年直省鄉試屆期禮臣以雲貴考官請臣
省欽奉 命同御史臣孟邵典貴州試伏念臣江左
單寒學識膚聞乾隆二十二年恭逢

聖駕南巡以諸生進獻詩賦 召試一等第四名

特賜舉人授內閣中書二十八年 朝考第一名進士

改庶吉士三十一年散館一等第二名授職編修旋充

庶常館教習本年四月 御試翰詹一等第一名超

擢侍讀 恩准 京察一等十餘年來疊以文字受

知珥筆編摩媿甚報稱茲復

命司文枋感悚滋深謹與臣駢駢戒行克期入闈自

監臨官以下肅清內外罔勿協恭爰進學臣所錄士二千一百有奇三試之臣省欽臣邵謹率同考官告虔研校中舉人副榜凡四十八人其間拔貢副貢歲貢六人廩生三十六人增生附生各三人謹擇其文之不悖義法者二十篇上呈

御覽臣竊颺言簡首曰我

皇上德博道光萬邦學子仰被

天文咸自被磨振拔以與乎久道之化比來諸科審音律之學嚴磨勘之制諄諄

天誥凡爲文表以清真雅正士生其間慮無不厚自奮起冀以鳴國家之盛凡與有衡文之責者既奉以有

準繩而或者謂黔地褊僻其人文難與他省較顧瑞芝
無種而榮甘醴不源而涌民稟五行之秀非擇地而始
降以才矧朝廷教澤之所涵濡與夫父兄師友之講
肄致之非一日被之非一二人范史稱牂柯郡人尹珍
從汝南許慎受經書圖緯學成還鄉里教授迨至明初
貴州就試湖廣宣德間改就雲南嘉靖十六年始置本
省鄉試而中額止二十五名 國朝設科肇自順治十
七年厥後額遞增減蓋自雍正元年以四川遵義府五
州縣及湖廣五開平溪清浪各縣衛撥隸之兼撥解額
六名人文日起漸臻乎彬彬之觀而土瘠心善之徵復

爲之斂攝其志氣以幾乎同風一道之美臣等局聞齋
事祈嚮乎清真雅正之歸以爲多士的合已薦未薦卷
反覆檢勘竊以言者心之聲文者道之華彼倍乎道者
無論矣其言之不倍乎道而不參之帖詩對策以覘其
涵泳蘊積之深淺則詭得詭失而亦無以杜弋獲者之
倖心當夫決擇既竟取其及格者而觀之縱未獲與京
畿江浙諸省爭長而體要具存言悉有物斯以信

帝德光天之下士之軒輶鼓舞於不自知者無大小遠
近一也易之賁卦以剛柔相交爲文其上九一爻疏謂
質素而不勞文飾故曰白賁无咎以黔士之佩質少華

宜有合乎白賁之義而詩書禮樂之教沐浴至深則象
所稱觀乎人文以化成天下者莫大乎是臣恭承

嘉命忻觀風氣之日開而多士幸際休明勉自丕振

於以蔚爲國華導揚上治是又臣區區將命之下

悃云爾

辛卯湖北鄉試錄序

乾隆三十有六年辛卯夏六月禮臣以湖北考官請得

旨命臣省欽偕編修臣黃良棟典厥事馳征厲懷如期

抵境監臨提調監試內監試各官綱紀肅清襄事有恪

乃進學臣所錄士四千有奇扁闔三試之臣省欽臣良

棟謹率同考官齎心研校得士四十有七人貢成均者
九人既發榜錄四書經義十有三篇論一詩一策五彙
梓上呈

御覽臣以例颺言簡首曰制義代聖賢立言而盛自明
代張居正主會試程墨蕭良有會試元墨石有恒鄉試
元墨於楚爲尤良逮我國朝人文輩出而熊伯龍劉
子壯之交傳世百有餘年我

皇上釐正文體指名嘉獎以爲師儒風厲言文於楚譬
以挹水於河宜也且文猶水也楚之望下逮沮漳而江
漢言廣永者其源委異也導漢自岷冢而漾而滄浪而

潛而洩至大別始入江江源不始於岷自嘉州合沫水
敘州合馬湖水瀘州合內江水重慶涪州萬縣合嘉陵
水黔江水開江水夫然後入峽峽之下受洞庭至鄂渚
漢水入焉又二千餘里入海荊州無海而海故江漢所
朝宗假令飲焉而不知源測焉而不知委日見夫大波
瀾小波淪直波徑滂薄洶湧折萬狀相與望洋阻歎
而有識者蚤目笑之制義雖小道其源必於六經放乎
古大家名家而後獨有以自見臣三吳下士困子衿者
十餘年猥以奏賦高第蒙

恩欽賜舉人授內閣中書涓成進士

朝考第臣第一

散館第臣一等第二

御試翰詹人員第臣一等第一 京察再第臣一等廩

臣書局師臣芸館廁臣講幄自惟詞賦謏末濫受

主知至發題決科臣固試於鄉而屢擯矣然且疊荷

鴻慈戊子充貴州正考官己丑充會試同考官庚寅充

廣西正考官今年春充會試同考官茲復典試大省四

載之間五膺任使臣何人斯拜此寵遇計惟恪遵

諭旨以清真雅正爲歸且由其言或可考其道覘其人

卽其人未可知而區區之心不敢以不慎不公稍負疚

累決擇旣蒞其文大率無倍理無佞法無支離鄙俚之

辭而又非以平懷浮滑者憚磨勘而苟且塞責蓋國家
景運宏開光華有煥我

皇上作人成化不期然而無不然此非楚風所得私抑
非生是鄉者之有先達是師而能致此也臣幸遭遇之
榮慶文明之盛而拜揚其大要云爾

己亥 恩科浙江鄉錄後序

乾隆四十四年春

命舉萬壽恩科鄉會試夏六月臣省欽奉 命充浙

江鄉試副考官謹與正考官侍郎臣王杰 戴星抵杭入

闈襄事遜其文邀達

御覽竊颺言於後曰文章之升降氣運爲之氣運則教化之所爲也以一人之文而言言以聲心察其言而人可知矣以一時一代之文而言音以通治審其音而治可知矣我國家延洪淳固覃福縣寓開科行慶屢見紀牒

皇上御極之元年暨十七年二十五年三十五年疊舉茲典而三十五年前竝以推慶

慈恩昭不匱也子思子言舜之得壽本諸大孝孔子言仁者壽壽之本在孝與仁仁之象在教化之浹洽臣備員史館一紀有餘耳其間三校會試三主鄉試而視蜀

學者五年焉。黔之文不逮粵，與蜀。粵與蜀之文不逮楚。臣固心數而識之。然綜甄既竟，其倍於道而支離詭僻，以爲工者無有也。兩浙淵藪，人文旣富，旣教存神，過化加以巡方之屢至焉。我

皇上以仁益壽，天下之士庶際

皇上之仁壽而浹洽於仁，故推求本始，惟仁孝誠敬治天下如指掌者之有以與於斯。如第以爲壽考之作人，卽義有未盡也。臣學殖蕪陋，屢躋鄉闈，幸以奏賦得與會試，洎成進士入翰林，試古辭賦蒙恩兩置第一。一置第二。今春試四書文及詩，復置第一。臣之與試忝同

官未有之榮。臣之校試深懼有司不公不明之辱。協恭將事一月於茲。冀以錄雅黜浮。存真別僞。其審量在毫釐。累黍之微。而其鼓舞不知在械。樸菁莪之大。鬯沂仁風。遭逢何幸。惟願與多士交相祇勉。凡爲文與人。庶幾於道之百一而已。